


Poslanik u Skupštini Unsko-sanskog kantona
Sanil Hasić

Bihać, 09.07.2018.godine;

Predsjedavajući Skupštine
Unsko-sanskog kantona
Gosp.Nijaz Hušić



PREDMET: Dopuna dnevnog reda 43. redovne sjednice Skupštine Unsko-sanskog kantona zakazane za 13.07.2018.godine, traži se;

U skladu sa članom 52. stav (3) i 53. Poslovnika Skupštine Unsko-sanskog kantona („Službeni glasnik Unsko-sanskog kantona“ broj: 9/17), u prilogu akta dostavljam Vam prijedlog za dopunu dnevnog reda 43. redovne sjednice Skupštine Unsko-sanskog kantona zakazane za 13.07.2018.godine, kako slijedi:

- 1) Prijedlog Zakona o izmjenama i dopunama Zakona o šumama;

O b r a z l o ž e n j e

Naime, predloženim izmjenama i dopunama Zakona radi se o usaglašavnju sa Zakonom o organizaciji i nadležnostima kantonalnih organa uzprave i upravnih organizacija, kao i dodatnom usavršavanju odredbi važećeg Zakona o šumama u pojedinim njegovim dijelovima.

S obzirom da se ne radi o obimnom zakonu, kao predlagač umjesto nacрта u skladu sa članom 133. Poslovnika Skupštine Unsko-sanskog kantona predlažem Prijedlog Zakona o izmjenama i dopunama Zakona o šumama, te predlažem da se isti pretresa po skraćenom postupku bez nacрта zakona.

S poštovanjem,

Prilog: kao u tekstu;

Zastupnik
Sanil Hasić

A handwritten signature in black ink, appearing to be 'Sanil Hasić', written over the printed name of the representative.

Na osnovu člana 11. tačka b) odjeljka A poglavlja V, člana 3. stav 1) tačka h) poglavlja IV i člana 4. poglavlja IV Ustava Unsko-sanskog kantona („Službeni glasnik Unsko-sanskog kantona“, broj: 1/04 i 11/04), Skupština Unsko-sanskog kantona, na sjednici održanoj _____, donosi:

ZAKON O IZMJENAMA I DOPUNAMA ZAKONA O ŠUMAMA

Član 1.

U članu 15. Zakona o šumama („Službeni glasnik Unsko-sanskog kantona“, br.: 22/12, 16/16, 12/17 i 25/17), stav (2) mijenja se i glasi:

"(2) Izuzetno, lokalnom stanovništvu ili pravnom licu se može dozvoliti sječa šume za njegove potrebe, što svojim Pravilnikom, za šume u državnom vlasništvu reguliše korisnik šuma, a za šume u privatnom vlasništvu Uprava za šumarstvo".

Član 2.

U članu 18. stav (1) mijenja se i glasi:

" (1) Radove u šumi mogu izvoditi pravna lica koja imaju saglasnost nadležnog organa o ispunjavanju propisanih uslova, a fizička lica odnosno lokalno stanovništvo može izvoditi radove u šumi za potrebe lokalnog stanovništva u skladu sa Pravilnikom iz člana 15. stav (2)".

Član 3.

U članu 53. stav (1) broj „9“ zamjenjuje se brojem „7“.

Član 4.

U članu 59. stav (4) iza riječi „ Zakona“, dodaju se riječi: „i druge osobe utvrđene kao korisnici u skladu sa Zakonom o eksproprijaciji“.

Član 5.

U članu 63. stav (1) i (2) mijenjaju se i glase

„ (1) Uprava za šumarstvo je samostalna kantonalna uprava“.

„ (2) U stavu (2) riječi „formira svoje“, zamjenjuje se riječima „može formirati“.

Član 6.

U članu 65. stav (3) mijenja se i glasi

" (3) Korisnik šuma dužan je nadoknaditi štetu koja je nastala nezakonitom sječom na području koje mu je dato na gospodarenje ukoliko šteta nije evidentirana u propisane obrasce i žigosana i obrojčana šumarskim čekićem, odnosno ukoliko čuvarska služba korisnika šuma nije obavila poslove iz nadležnosti neposredne zaštite šuma iz člana 65. stava (6) tačka c)., l)., m)., n)., o). i/ili stava (7) ukoliko je počinioc poznat".

Član 7.

U članu 67. stav (1) tačka a), broj „4“ zamjenjuje se brojem „2“.

Član 8.

Ovaj Zakon stupa na snagu osmog dana od dana objave u Službenom glasniku Unsko-sanskog kantona.

Broj:

Predsjedavajući

Bihać

Nijaz Hušić, prof.

Obrazloženje

Izmjene člana 15. stav (2) i člana 18. stav (1) je potrebna radi usklađivanja sa međunarodnim obavezama odnosno s principima FSC standarda koji između ostalog govore o potrebi i obavezi preduzeća koje gospodari sa šumama da obezbjedi snadbjevanje lokalnog stanovništva sa drvetom za njihove potrebe, a poznato je da je preduzeće na USK-a kao korisnik šuma u državnom vlasništvu do sada uspješno, već više od decenije koliko je nosioc prestižnog FSC standarda, ispunjavalo obaveze koje proizilaze iz principa FSC standarda.

Također, navedene izmjene između ostalog preciznije definišu mogućnosti snadbjevanja lokalnog stanovništva drvetom, načinu i mogućnosti učešća lokalnog stanovništva u sječi drveta radi njihovih potreba u skladu sa internim aktom kojeg za šume u državnom vlasništvu donosi korisnik šuma u državnom vlasništvu ili Kantonalna uprava za šumarstvo za šume u privatnom vlasništvu.

Naime, oduvijek je i tradicionalno lokalno stanovništvo imalo u pravilu mogućnost da za svoje potrebe na panju uplati taksu za drvo u vlastitoj šumi ili da uplati cijenu drveta na panju u šumi u državnom vlasništvu u skladu sa važećim cjenovnikom i da mu se dozvoli da isto sam posiječe uz nadzor i odobrenje ovlaštene ustanove koja je nadležna za navedene poslove u šumarstvu i osoba koja rade navedene poslove.

Kako se u posljednje vrijeme važeće odredbe ovog Zakona koje se odnose na navedenu problematiku tumače na više načina, pa je često onemogućemo lokalnom stanovništvu da može za svoje potrebe usjeći sebi drvo, a nadležne inspekcije dovode u situaciju da imaju dilemu kako da postupe, jednostavno je navedena izmjena bila neophodna da bi se isto precizno definisalo i lokalnom stanovništvu omogućilo ono što su i do sada imali pravo u skladu sa pozitivnim zakonskim propisima.

Izmjena člana 53. stav (1) i člana 67. stav (1) tačka a)., je neophodna iz razloga jer se dijelom navedenih sredstava na ime korištenja šuma koja su izdvajana do sada na račun budžeta Kantona između ostalog finansirala i čuvarska služba odnosno nadležnosti čuvarske službe, a kako prethodnim izmjenama određenih odredbi ovog Zakona i Zakona o organizaciji i nadležnosti organa uprave USK-a Kantonalna uprava za šumarstvo neće imati više potrebu za formiranjem a samim tim i za finansiranjem potreba čuvarske službe, niti će navedena sredstva moći upotrebljavati osim za eventualne projekte razvoja šumarstva i šuma na USK-a i eventualno kroz takve projekte ista sredstva u navedene svrhe između ostalog vraćati ponovo i korisniku šuma u državnom vlasništvu odnosno ŠPD-u, stekli su se uslovi da se dosadašnji procenat izdvajanja naknada na ime korištenja šuma ŠPD-a smanji kako bi ŠPD-u se omogućilo da samo jednim manjim dijelom nadoknadi troškove koje ima obavezu formiranja čuvarske službe.

Na ovaj način će se dijelom olakšati ŠPD-u finansiranje čuvarske službe, te omogućiti više sredstava za provođenje svih onih mjera gospodarenja šumama propisanim Šumskoprivrednim osnovama i olakšati uslove poslovanja ŠPD-u. Prijedlog je da se izdvajanje naknade na račun Budžeta Kantona na ime korištenja šuma ŠPD-u kao korisniku šuma smanji sa 4 % na 2 %, odnosno da se ukupno izdvajanje naknade na ime korištenja

šuma sa 9 % smanji na 7 %, dok se dosadašnji iznos naknade predviđen za izdvajanje općinama / Gradovima od 5 % nebi mjenjao.

Član 59. stav (4) se mijenja odnosno dodaju se riječi „druge osobe utvrđene kao korisnici u skladu Zakonom eksproprijaciji“, iz razloga što se praksi pojavljuju osobe kao korisnici utvrđeni Odlukama o općem interesu na osnovu Zakona o eksproprijaciji a nisu bile u mogućnosti biti stranke u postupku sukladno Zakonu o šumama. Ovom dopunom olakšava se provođenje prostorno-planske dokumentacije odnosno rješavanju zahtjeva kako pravnih tako i fizičkih lica u postupku utvrđivanja općeg interesa a u smislu gradnje.

Izmjena člana 63. je potrebna iz razloga što je donesen Zakona o izmjenama i dopunama Zakona o organizaciji i nadležnostima kantonalnih organa uprave i upravnih organizacija, gdje Kantonalna uprava za šumarstva organizirana kao samostalna kantonalna uprava.

Izmjene člana 65. Stava (3) je potreba usklađivanja, i to ne samo s dužnostima i obavezama čuvarske službe koje su propisane u istom članu, već i sa drugim zakonima koji daju nadležnosti drugim institucijama. U pravilu, propisane dužnosti i obaveze odnosno nadležnosti čuvarske službe nemaju svrhu u slučaju kada bi čuvarska služba poduzela sve propisane mjere za koje je nadležna i obavila radnje za koje je ovlaštena, a da preduzeće bez obzira na navedeno i u takvom slučaju mora platiti štete za koje će se tek provoditi dalje radnje putem drugih institucija za koje preduzeće šumarstva odnosno čuvarska služba nisu ovlaštene, već su drugim propisima ovlaštene i nadležne druge institucije.


Samir Hasić